

1583, 15 janvier. – Blain

Bois et forêts du comté de Porhoët et de la vicomté de Rohan. Commandement de René II de Rohan ordonnant à ses officiers et contrôleurs de ses forêts de faire appliquer aux usagers les taxes et amendes prévues.

AD56, 142 J

[En marge haute, à gauche : 15 janvier 1583]

/1/ René, viconte de Rohan, prince de Leon, conte **/2/** de Porhouet, baron de Frontenay, de Gyé, Montpon, seigneur de Bleing, etc., **/3/** à noz amez et feaulx noz juges et officiers en noz conté de Porhouet et viconté de **/4/** Rohan, contrerolleurs de noz forestz de Lannoée, Loudeac, Quenequan, Branguilly, soubzgardes **/5/** et forestiers en icelle, *chacun* endroit soy si comme à luy apartiendra, salut. Comme ainsi **/6/** soit que, pour empescher le cours des pilleries, larecins et depopulation de noz bois qui se **/7/** font en nos *dictes* forestz, il soit requis de pourvoir à la punition de ceulx qui commettent **/8/** les*dictes* pilleries et larecins par taulx et amendes sur iceulx à la maniere accoustumée **/9/** suyvant le rapport qui doibt estre fait des delinquans par nos *dicts* officiers en nos *dictes* **/10/** forestz, et attendant que nous ayons advisé de pourvoir à l'estat et office de vendeur **/11/** de noz bois et forestz à *present* vacquant par le deces du sieur du Quelleneuc par devant **/12/** lequel les raportz souloient¹ estre faitz et estre par luy taxez, nous voulons et **/13/** commandons au premier de nos *dicts* juges et *chacun* qu'ilz ayent à proceder incontinent et **/14/** sans delay à faire les*dicts* taulx, noz procureurs fiscaulx et contrerolleurs en nos *dictes* forestz **/15/** pour ce que luy touche presens et appelez, la solemnité en tel cas requise *et* accoustumée **/16/** deument observée, et à ceste fin qu'ilz ayent à contraindre et faire venir par devant eulx **/17/** ou l'un d'eulx noz soubzgardes et forestiers en nos *dictes* forestz pour le fait des*dicts* taulx et **/18/** amendes, et ce de trois mois en trois mois neantmoins que par le passé ilz n'ayent esté **/19/** faitz par noz vendeurs que de six en six mois. De ce faire et tout ce qui en depend, vous **/20/** avons donné et donnons pouvoir, autorité et commission quant à ce par ces *presentes*. **/21/** Qu'en tesmoing de ce nous avons signé de *nostre* main en *nostre* chasteau de Bleing **/22/** le quinzieme jour de janvier l'an mil cinq cens quatre vingtz *et* trois.

[Signé :]

René de Rohan

Par commandement de mon dict seigneur

Pyshan

¹ Du verbe « souloir » signifiant « avoir coutume de ».